

Hōa-tiúⁿ ê Oē

Hō-ló-oe Chò Tē-jī Koaⁿ-hong Gí-giân?

2002 nî ê 3-gòeh chhe-cháp, TL(Tâi-liân-tóng) ê Lip-hoat Úi-ôan tī Lip-hoat-īⁿ thê-àn, beh kā Hō-ló-oe chiâⁿ-chò tē-jī koaⁿ-hong gí-giân. Lán thiaⁿ-tióh ū sió-khóa-á hoaⁿ-hí.
<-kú sim-lāi ê siūⁿ-hoat m̄-sī án-ne!

Tâi-ôan kàu-taⁿ iáu-bô chit-ê kán-tan koh bêng-khak ê gí-giân chèng-chhek! Che sī siáⁿ-lâng ê kòe-sit kap chek-jīm? THBK(Tiong-hôa Bîn-kok) chū khai-sí chiàm-niá Tâi-ôan chiū iōng tòk-chhái ê chhiú-tōaⁿ sūn-sòa chiàm-niá Tâi-ôan ê gí-giân chhī-tiûⁿ! Kàu-taⁿ iáu-sī án-ne! Che chiū-sī góa kā kiò-chò Sin Sit-bîn Chèng-kôan ê lí-iû chi-it--lah!

Chit-má lán kóng Tâi-ôan í-keng bîn-chú-hòa, Tâi-ôan í-keng sī bîn-chú pang-kok. Nā chin-chiàⁿ sī án-ne, chhiáⁿ mñg: “Kok-gí” ê hoat-lút kin-kì sī sím-mih? Bîn-chú pang-kok chin iàu-kín ê ték-tiám sī I-HOAT HÊNG-CHÈNG. Chhiáⁿ mñg: Kin-kì sím-mih hoat-lút kā PKO(Pak-kiaⁿ-oe) tēng-chò “Kok-gí”? Nā bô kin-kì, án-ne kiám m̄-sī hōan-hoat sit-chit?

Koh-chài kóng, Hō-ló-oe sú-iōng ê jīn-kháu siōng-chē, sī án-choáⁿ m̄-sī tē-it koaⁿ-gí, sòa piàn-chò tē-jī..ê? Kiám kóng Tâi-ôan lâng tùi ka-kī ê gí-giân bûn-hòa hiah-nih bô sìn-sim?

Nā-sī tāi-ke jīn-tēng lán ka-kī ê gí-giân bô pó-chûn ê pit-iàu, iōng PKO chiū hó--lah. Án-ne góa beh kiàn-gī, PKO mā thang bián--lah. Tit-chiap iōng Eng-gí chiū OK! Beh kap sè-kài liân-sòaⁿ koh khah kín! Tāi-ke kiám beh án-ne chò?

Tâi-ôan lâng beh CTT, lán su-iàu koh phah-piàⁿ--lah!